

Confirm.
acquisitæ,

§. 3. Nos utramque notitiam naturalem asserentes, æquifitam dari probamus ex operibus mundi; totus mundus enim testatur DEUM, creaturæ suum Creatorem, opificium, cœlum, sol, luna, astra eorumque motus, sapientissimum & potentissimum opificem; Spiritus creatus, sive anima nostra, sive angelus, qui non est ex materia, ab aliquo factore est, sed non nisi omnipotente, qui DEUS est. Eò nos remittit Paulus, Rom. I. 19. τὸ γνωστὸν τῆ Θεῶ Act. 14. 15. 17. non reliq. ἀμαρτ. conf. Act. 17. 22. 24. Psalm. 19. 2. Job. 12. 7. interroga autē jumenta & dicent tibi, volatilia cœli & indicabunt tibi, quodque docet communis, omnium populorum moratiorū consensus, vid. p. 2. Meth. nostr. Cicero de Leg. c. 3. *in hominibus nulla gens est neq; tam immansueta neque tam fera, quæ non, etiam si ignoret, qualem habere DEUM deceat, tamen habendam.* Et 2. de Leg. c. 3. *A Diis immortalibus sunt nobis agendi capienda primordia, scitè Zeleucus Legislator Locrensiū, Dii colendi sunt & honorandi ut bonorum omnium, quæ cum ratione fiunt, parentes & auctores.* Plinius Paneg. in Traj. ut rerum agendarum ita & dicendi initium capi volebat à precationibus quod nihil ritè, nihil providenter homines sine Deorum immortalium ope, consilio, honore auspicarentur. Plaut. capt. Act. 3. sc. 2. v. 63. *Est profecto DEUS, qui quæ nos gerimus auditque videtque.*

Confirm.
insitæ,

§. 4. *Insitam* vero probamus ex Rom. 2. 14. 15. ostendentes opus legis scriptum in cordibus suis. Qui autem ex natura opus legis habent scriptum in cordibus, etiam inscriptam simul habent notitiam legislatoris, quæ relata sunt. contra eosd. & plur. alios etiam nostr. Philos. quosdam. vid. Magnif. Dn. D. Calov. Tom. 2. pag. 61. 73. Job. Ad. Osiandr. Tr. de Lam. nat. *Museus* de in suff. not. nat. Schertz. Socin. 29. Kromaj. 113. 115. & seqq. quid autem illa insita sit in mente nostra, habitus? facultas? actus? vid. Phil. nostr. Theol. Exhib. IV. §. 37. Calov. Tom. 2. p. 78. 103. Osiandr. c. 1.

Opp. contra
acquisitæ,

§. 5. Contra acquisitam Obj. Socin. 1. *Notitiam DEI esse ex Fide* Hebr. XI. 6. & salvificam & supernaturalem esse ex fide, naturalem ex ratione. Obj. 2. *Naturalia esse communia*, sed notitiam DEI, sapientiam & pietatem esse dona DEI propria, exemplo Enoch, inde singulariter commendati. Resp. Alia Θεογνωσια est generalis, alia specialis. Facultatem investigandi & aliquantulum
DEUM